

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 166. sjednici, održanoj dana 04.08.2022.godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline o Inicijativi Federalnog ministarstva okoliša i turizma koja se odnosi na proglašenje zaštićenog područja VI kategorije Zaštićeno područje planina Zvijezda sa održivim korištenjem prirodnih resursa na području Općine Vareš, koje je sastavni dio ovog zaključka.

II.

Zaključak sa Mišljenjem Ministarstva za prostorno uređenje, promet i komunikacije i zaštitu okoline broj: 12-02-2664-4/21 od 09.03.2022. godine upućuje se u skupštinsku proceduru.

III.

Zaključak stupa na snagu danom donošenja.

PREMIJER

Mirnes Bašić

Broj: 02-_____/22

Datum, 04.08.2022. godine

Z e n i c a

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Stručna služba Skupštine,
1x a/a.



Broj: 12-02-2664-4/21
Zenica, 09.03.2022.godine

- **VLADA ZENIČKO-DOBOJSKOG KANTONA**
Stručna služba Vlade

n/r premijera,
n/r sekretara

Predmet: Mišljenje po Inicijativi Federalnog ministarstva okoliša i turizma u vezi proglašenja zaštićenog područja VI kategorije Zaštićeno područje planina Zvijezda sa održivim korištenjem prirodnih resursa, , dostavlja se

Veza: Akt Stručne službe Skupštine Zeničko-dobojskog kantona broj:01-02-2664-2/21 od 01.11.2021. godine

U vezi sa aktom Stručne službe Skupštine Zeničko-dobojskog kantona broj: 01-02-2664-2/21 od 01.11.2021. godine i aktima Federalnog ministarstva okoliša i turizma broj: 04-23-421/17-1/21-2 od 22.10.2021. godine (sa priložima Nacrt Zakona o proglašenju zaštićenog područja planine Zvijezda Općina Vareš, Stručno obrazloženje i Karte) i broj: 04-23-421/17-1/22-1 od 15.02.2022. godine koji se odnose na inicijativu o proglašenju zaštićenog područja VI kategorije Zaštićeno područje planine Zvijezda sa održivim korištenjem prirodnih resursa, te nakon razmatranja predmetne inicijative Ministarstvo za prostorno uređenje promet i komunikacije i zaštitu okoline daje sljedeće mišljenje:

M I Š L J E N J E

Federalno ministarstvo okoliša i turizma je aktom broj: 04-23-421/17-1/21-2 od 22.10.2021. godine Skupštini Zeničko-dobojskog kantona i Ministarstvu za prostorno uređenje promet i komunikacije i zaštitu okoline podnijelo inicijativu za proglašenje zaštićenog područja VI kategorije Zaštićeno područje planine Zvijezda sa održivim korištenjem prirodnih resursa na području Općine Vareš. Uz inicijativu priložena je dokumentacija u printanoj i elektronskoj formi (Nacrt Zakona o proglašenju zaštićenog područja planine Zvijezda Općina Vareš, Stručno obrazloženje i Karte).

Po navedenoj inicijativi Stručna služba Skupštine zatražila je upoznavanje Skupštine Zeničko-dobojskog kantona o predmetnom aktu i dokumentaciji dostavljenim od strane Federalnog ministarstva okoliša i turizma o čemu je od strane ovog Ministarstva sačinjena Informacija broj: 12-02-2664-3/21 od 16.11.2021.godine koja je dostavljena Skupštini i Vladi Zeničko-dobojskog kantona. Federalno ministarstvo okoliša i turizma je aktom broj: 04-23-421/17-1/22-1 od 15.02.2022. godine od ovog Ministarstva zatražilo informaciju o aktivnostima procedure za proglašenje zaštićenog područja planine Zvijezde.

O navedenoj inicijativi i preduzetim aktivnostima i procedurama vezanim za donošenje predmetnog Zakona Ministarstvo za prostorno uređenje promet i komunikacije i zaštitu okoline daje sljedeće mišljenje:

Inicijativa Federalnog ministarstva okoliša i turizma je prihvatljiva i ovo Ministarstvo podržava donošenje Zakona o proglašenju zaštićenog područja planine Zvijezda na području Općine Vareš, kao i Općina Vareš, koja je ovom Ministarstvu dostavila Zaključak Općinskog vijeća Vareš o prihvatanju Studije izvodljivosti za zaštitu područja planine Zvijezde broj: 01-244/17 od 30.11.2017. godine. Zbog svega navedenog predlažemo prihvatanje Mišljenja o inicijativi Federalnog ministarstva za donošenje Zakona o proglašenju zaštićenog područja planine Zvijezda na području Općine Vareš.

Dostavljeno:
2 x Naslov
1 x a/a

MINISTAR

Arnel Isak